

辛丑春暮余來京師同秀叔諸君襄七詩歌
制孰膾炙人口既而携詩稿來謁屬余論定余
讀其詩氣韻沉雄神骨清絕庶幾造少陵之
堂而躋彭澤之域矣歐陽公云詩窮而後工
今襄七詩已工矣余以知襄七之不終窮也夫制
孰與詩體哉迨矣學者守其一得乎孰相直
李子巨來兩擅其美以於天下襄七受知巨

來訪謂重龍門而聲價十倍者也裏七於三百
 篇中古注朱傳以壯博考群書辨疑訂
 誤其訪學之精如此他日揚風池上與巨來更
 相唱和鼓吹佐明駿之平雅頌之音視力者
 彭澤少陵風味在在又何如也余幸未老拭
 目俟之

夏陵王澄慧題

自開蓬澗灘以迄于亥默閣茂庶十有五年去三之一得三
 百餘者蒙以孤露之軀當阨窮之境居無江山之助出鮮朋
 友之樂羣君子之澤益以遠矣雖鑽別故紙亦何能為然性
 情之所近雖多病仍不能已也塗抹既久遂成卷帙遠近數
 君子亟稱之惠以序言比于不朽之盛事其辭侈蒙不堪也
 聞道不早劫習未忘所謂癡日力于此良可悔也荆公之言
 信矣十一月丁亥草廬生書於春暉堂中



草廬詩彙卷一



秀水

諸

錦

著錄



湖有松

湖有松山有柏我始與君交感君松柏質相期在久要何乃有今日松柏終有心君如委路塵委塵何足道草木還笑人

獨漉擬古樂府

獨漉獨漉高山深谷我欲褰裳恐傷我足翻々飛鳥亦各有羣念此孤鷹顧影逐雲江有木蘭不言而芳長恐霜露其葉萎黃憂來心醉不念渴飢俾杯手劍慷慨悽其含沙射人孰去其凶季女深閨孰敬其躬起步中庭月落星寒嗟尔昔人何以得仙

刪

僧房有美人蕉一本戲作

蕉以美人号禪家亦可憎心空方及第色豔偏隨僧夜靜緘



書札春寒有佛燈何嫌浣脂粉風味冷于冰

登湖天海月閣

夕陽孤人心獨自投林際寒烟豁夷塗雲鳥煩徙倚觀其起滅時儵忽耳目異如彼万象外虛白滿天地無由說寥廓冥冥守此意

刊

槐韻

獨對長林坐秋聲故不禁誰將蕭瑟意引起別離心萬籟鳴空谷千山同此音不堪遠行客駐此淚沾襟

尋嶼公不值

微步過精廬來聽秋前雨几淨不逢人。蟬聲在高樹。

閉

途中雨

朝游城西隅寒風就我衣獨鳥暮不去野外雲低飛茫茫無所見四顧行人稀嗟我胡為者行悲式微

聞笛

風音轉幽細冷然送孤客草木氣浮動候蟲寤四壁夜久月不生坐令空庭白人幽清耳目宵聞長笛一曲澹一心疏淪杳無跡清淒滯歸鴻幽怨咽危石曲盡不知處寥寥有空碧

遊理安寺

兩山相表裏一水當其中我本窮途人遠來覩玲瓏煩襟已謝去耳目餘清空是時值春算草樹含熏風高巖寫雲霧絕礧眠蛟龍初疑路已斷俄而徑無窮忽聞疎鐘響古寺藏幽峰竹間老比丘古貞顏色童繁花自灼幽豔明双瞳我來不忍去出山苦匆思欲削青竹綺語遺山翁謝安既干載宗炳不更逢吁嗟呼山靈毋乃困盲聾焉得起二公躅盡名山蹤

詠古

人固有一死，亦不愚賢。荒哉驪山腥，尚欲求神仙。遂令墮方上物，累之猶生前。唯餘供孤鬼，冥漠魂無權。孤鬼如有知，亦為死者憐。

雨中登真如寺塔

言懷万里心，直入飛鳥處。遂不辭風雨，登之絕頂巖。雲烟無變態，多傍遠林護。彷彿是虛舟，襄回滯歸路。念此崩劣勢，信哉神物故。淒清自無悶，孤寂如有悟。嗒焉万慮忘，此景杳難慕。

新安金叟惠絺衣二製

白葛含風軟，中單入暑清。稱身良自穩，蒙德媿無名。蘿壁移涼月，桐花寫玉甕。殷勤滌衣日，倍見古人情。

龍吟

風浪三山蒼，三中有神物。隨飛揚天昏，地轉壓扶桑。吐出沒吟江，湘猛虎結舌不敢當。羣魚濑刺驚，且藏須臾。風雨掃大荒，槁木靡草回膏肓。功成身退非有望，不露鱗甲何杳茫。我欲窮之浮大洋，延平可望不可將。

禁烟節是日上巳

寢靜舞游絲，芳草未初歇。輕雲不作雨，幽情屢興沒。扶籬野桃笑，弄水蘭氣醇。臨流或登高，披襟閒晞髮。喬木帶遠邨，望自超越墓。門起孤烟潭，底開素月之。予不我期，何由采薇巖。

露坐聯句同袁江翁

缺月隱未升，踈處宛耿々。袁江倪永清携琴松風下，散髮墜傍影。非彈非三彈，用以寫中靜。襄七清詩出冰雪，令我肌骨冷。

永清

浩歌效李昌谷

虛堂兀坐悲秋客，青燈不死動頷。天根沉，更漏殘，慘澹
小蟲啼古石，桐風吹聲激。壯士三復離騷，冷魂魄，不知何處
唱新辭，搖蕩芙蓉秋水白。落句得
之夢中

刈稿

蒹葭好顏色，夕露沾離披。百蟲愛靜夜，幽人起中悲。束帶塊
虛齋，聞穀忽相思。豈不感時節，晨興者誰子。荷鋤恐後時，遠
邨啟曙烟。涼月懷寒姿，豈不感時節。心苦桐風吹，農事苟有
秋，我何所歎咨。

遊寶閣寺

霜落梧之黃，木杪壯秋臆。尋幽來古寺，信往如脫械。棕屨隨
莓苔，翠角索梵唄。松枝感似虬，石髮卷同蔓。蕭瑟餘舊墨，仰
視還決皆。山僧亦解事，見客少荒怪。建茶殊可人，秋色猶未

敗，清言遠人心。身在水精界，擲手躡歸舟。雲卧吸沆瀣。

同唐叟武曾登白蓮寺塔得望字

烈風怒掀，日落日寒蒼。開囊吞鴻濛，近遠同一望。北窺太
湖水，有如搖練。允婦鳥四三點，下与浮雲將。既窮万象外，身
目資清狂。絕頂入暝色，躡屐久低昂。徑危不敢取，重來盡滄
桑。

刑 午日即事

棹郎出險鼓，撾頻雨。飛鳧趁湮銀，我亦行吟思。憔悴不須
楚些，吊靈均。

武林返棹

蒹葭露零秋水高，客衣漸薄西風號。三穀雨聲度湖鴈，良鳴
顧影求其曹。

寄訊袁江翁時客宛陵

飄泊朱陽館。從人喚客星。髮應無可白。眼復向誰青。問俗添山疏。銷悶注酒經。江鄉鱸膾好。生計合揚舲。

梅花歎

梅花真佳人。臨水如面鏡。竹間沙水清。動影轉丰靚。風烟各自在。花水有餘映。可憐双老幹。三見蕉萃更。誤落塵土中。婉孌不受橫。無言古庸東。淚洒春露淨。唯餘鴉鷓見。雨二啼瘦。

徐世起云。生香冷艷沁入肌骨。獨不可百。花頭上發乎。

幽趣

白麥平于毯。汀莎細似毛。舊巢勤社燕。新水狎輕舟。過雨移紅藕。迎風吐碧桃。興餘無次坐。織月照春袍。

社日

井廬若在還猜燕。隴麥微黃只喚鷗。莫問迎神送神曲。夕陽春草記空陂。

左花歌

左花昔見歲丁亥。清樽落日疎簾開。及乎戊子來。花下十日九雨酸。風哀今年花發更零落。三朵兩朵成枯荻。遊蜂鬼蝶亦不至。花意偃蹇。榛菅隈有如李夫人掩面不肯前。豔色恐非故生。憐死相捐。人閒俛仰成烏有。當時繁麗今蕪朽。勿嫌慘澹一枝春。已自敷榮豎蒲柳。

悶極

積雨春深伏枕稜。廿番花信太嘗騰。蠶苗抽箔點紅甚。魚子散湖飄紫藤。市遠樊遲商學圃。橋平左史好孳曾。何堪辜負好光陰。去老此微軀。百不能。

益夏讀書金銘寺

讀書叢竹下。淪茗長松根。涼氣先雨至。清露封苔痕。廡東鼃鼃聒。恆苦無理喧。念茲空堂幽。足以滌心魂。豈不樂愚賤。吾

哀天步艱孤烟澹晨夕廓郭如丘禁代耕媿何辭力穡自古
散

草蟲五物冊子

儵魚

膏環水一曲清深如鏡中幽人數來往仍戲蓮葉東

蝦

輕舟憺忘歸蝦菜有餘樂想見孛魯人烟水溼芒屨

螳螂

尔雅箋魚蟲字女曰不過黃雀坐卑枝抱影毋自大

蟬

高槐不受暑院靜風蟬鳴二聲坐來歌遠我沐壑情

絡緯

縑絲無葦燈涼月挂衰柳弄聲不成縑何用鷲懶婦

紀夢作

清風不呼來如期有似嘉客欣知歸掩闕明月自入榻作伴
幽人娛夢思夜涼祇覺黑甜美夢隨胡蝶翩翾飛青簾疎簾
渺何許咫尺或是巫峰迷行歌自愛採赤箭花影卧地工絲
披白雲千疊兩壁絕古廡飄二跌白衣乃知仙人絕有韻幽
閒媚妙無不宜外人學道專事猛剝形去皮如枯龜我生靈
髓不經洗首重稽肯沾楊枝出山苦將舊遊記清景忍割双
足遲流連山水亦成癖况結回想寧非癡樵人入山漁入浦
桃花流水閑無時華骨鈞天同一覺無言有象須忘機褰衣
倦夜書此紙俯見落月搖江蘼

寓感五首

純鉤卧床頭著塵慘無光爛二芙蓉花斑二鷓鴣鉅恥受倭
人污非干俠士將持以奉君子天廟蕭冠裳無人且用晦不

鳴固不傷

湘纍擷眾草攬去蕢菜施媚之隱蘭芷臭味還相思結根于
蓬艾搖蕩不自持如何青之葉翻為不芳滋不芳何所歎物
理良難知

黃鵲羽譙之卒荼勤有餘巢成鬻其子不獲自晏如哀哉今
下民此義竟忽諸羽翼幸得成誰与念厥初吾聞子曾子不
入勝母閭

紅蕉初開時乃在三四月遲開不自後鮮之戴霜發人情希
早妍共棄芳草歆感女一寸心不隨凋悴忽凋悴亦有時玄
獨勉其卒

錐刀弗言鄙賣漿弗言廉結交藉其力何用章句僞強顏巧
言語執手立斯須別離會無幾前盟早已渝持謝平生友舊
雨徒區之

促織

白露泫庭葉涼風悲早秋羈人只益淚織羽也闌愁催織憐
渠信無衣拙自謀餘音燈影薄蕭瑟任沈浮

小憇雙桂下

風開見蔚藍憤暗坐深樾遙念六銖寒玲瓏摘秋月

杜若

女蘿被山阿麋蕪繞堂下同是譜騷經未若芳洲亞穢之香
風細紅豆紛秋夏念我同心人天未手難藉空餘蟋蟀吟零
落悲長夜

菽

青之稀菜甲土潤沐雨色行圃試手鋤生意頗鬱特芼之以
盧豉綠葵香可逼我欲附美芹賤嗜羞悃悞不見肉食者移
體固無墨

別燕

山妝明淨裏江英澹蒼時忽覺秋將半無情燕已辭
獨凭短羽恨差池漫向盧家去當窓有所思

烈婦詩四首

烈婦王氏嘉興梅會里人生十八歸于丁六年夫
病革先以身殉家人述之井中卒年二十有四也

辨夜明星勸弋鳧玲瓏不惜脫羅襦只今行道潛然者解說

閨中濟粟無

康熙四十八年禾中海饑丁氏亦為捐粟烈婦實勸施焉

稚齒瑤環早受經宜人桃李有佳聲風詩百五役伊讀若个

言懷詠葛生

雉經絕粒舊曾聞一掬寒泉滅練席欲比貞心井中水波瀾

不起答夫君

禽知比翼元相逐樹有交柯本自雙他日新篇傳樂府應將

長水竝廬江

雪佛戲作

同雲羗畫晦冷氣吞朝嵐寧知水精域生面開瞿曇托身非
摩耶跏趺謝瓦龕咄嗟羣兒嬉偏袒從和南劉元阿尼哥像
塑無与參視此去雕飾紺目眉髭_二西來本無垢塵土豈所
堪凌晨掃寒影俯沼沈蔚藍

徐稚恭出春江艇子集作一絕贈之即用其句

吟遍香奩對客倚露筋辭好匹曹家廟門日落放船去水沒

野田開蕩花

答相鄉錢生殷叙昆弟

忽_二難為別錢生送我行北風衝雨雪分手路旁情

草廬詩彙卷二

秀水諸錦著錄

讀孟郊詩

東野窮不徹五十得一官行吟狎簿書出郭不整冠咸池三百篇風景擢古肝或言層冰清亦謂万松乾我疑蒼精龍颯颯照匣寒

徐世起云秋山
葉落石氣皆青

姑惡行

斑_二細雨檐花落林昏有鳥啼姑惡豈知倦夜宿孤燈新婦機閒拋織作咄哉小鳥一何愚弗念自己聲睚眦不見海畔魚兒有懶婦池邊新葉長慈姑

苦雨經月常時所歷坦道悉成齟齬窳稍下則洿池矣行者苦之感而有作

儵忽弥月雨均堂長青莎孤笑續憂_二邨酒傾已醺一部兩

部蛙斗上斗下坡深亥行旅艱喟波絕茶歌

夏至日近邨散步

赤日下糞壤秧馬代短犁前聲續浚穀村歌效吳姬始知心
地寬可以樂夏畦

送孫北苕還吳興

蟬嘶寂寞燕辭歸此夕輕船艤荻扉三十六陂秋色好可能
重譜惜紅衣

馮子讀書蛙硯齋即復公冬闕舊地也

舊時文老論詩地幾許披衣愜素心一自清踪遺白日至今
壞壁想高吟排雲桐葉生前植沒薛碑辭
讀書子許旺鬼語出秋林冬闕後嗣不肯齋旁舍多填積殯宮

過金銘寺贈旭公

就李招提勝金銘最首稱湖天海月閣挂錫有高僧竹柏寒

苔影風幡古石稜不辭門十扣書幌舊分燈

幽湖竹枝二首

三塔尖上照水心地名學繡不穿針自言生小提吳餉曾不慣
縫衣寄藁砧

幽湖深處水風涼隊上飛來匹鳥翔如此溪光堪過日問郎
何事欲分鄉地名有分鄉浦

蓬門

朔風解草木寒氣落蓬門獨鳥忘南北衰燈搖夢魂人傳菜
令盃自挂阮家禪上擬商歌感知希不可論

湯與十首

太乙曾聞下九州充芒熊上拂純鉤土花蒙碧深上卧百鍊
翻成繞拍柔

笙竽雜沓不堪捫五十朱絃止睡昏苦調義心誰解得春風

斂手過齊門

鷓鴣歎眠蘸柳絲鷓鴣拉坐狎魚兒即看最小桃蟲鳥也向
深林借一枝

冷雨和雲抹絳紗中庭梅樹只槎枒祇緣桃李能爭豔催邊
遍東風不扶花

龍媒本出是龍池千里霜蹄一日馳辛苦鹽車但垂首駕駘
輪與費瑕疵

輦容鶴列閒魚麗劍戟森々豎翠旗不與尸傳弟子未成
一戰挫熊羆

昨夜蜚廉鼓羽風明冰千疊闕龍宮赤鱗預恐飛春浪咫尺
波濤不得通

竹裏佳人倚窠竇賣珠那論直相交劇憐空谷無人問日暮
牽蘿自補茅

千梭騰擲出冰綃繪就鯨魚溼怒潮不惜良工施巨手竟憐
翡翠集蘭苔

重帟深下貯芳藪不信瀆施也入供一自三閭人去後涉江
若个采芙蓉

汎舟駕鵞湖

東湖西湖兩面平玻璃映徹重湖明湖中高樓轟天際烟鬢
一點當空撐春光澹沲風力軟漣漣不作平如剪落日輕舸
隨野鳧菰蒲深處飛霞捲須臾波浪騰昏黑榜人客子愁無
色咫尺陰晴何異時水深却恐魚龍得那知夜闌倒殘樽月
落激灑堆金盃清風颭々攪衣袂聯拳宿鷺浮沙墩仰看風
雨亦何有々洎何妨還鼓缶中流歡笑不知關東方欲曙蒼
蒼寒

顧叟村莊五首

秀麥光春服，葦祠轉斷垣。野橋流水靜，籬落祝雞喧。竟襲香行圃，新霑影灌園。理生端不俗，敢薄小人樊。

種樹書長把，披衣客不違。衆中嫌太璞，人外愜忘機。買藥教兒去，烹茶待婢歸。倘編耆舊傳，偕隱未全非。

地幽時下鳥，水匝恣撈蝦。圃老樹成繖，日高蜂放衙。橘朱經歲果，梅白上番花。暢好冬春候，色香兩不賒。

春日蕪春水，滌紆兩自遲。媯啼真恰，疎翠未絲。坐見漁舟出，簾開野馬吹。一椽堪送老，不藉草堂賢。

剝啄已亭午，來歸當暮天。綠熏眠犢草，涼破醉桃烟。不解尋金谷，居然近剡川。自今幽興熟，遊屐會重穿。

送人之山左

柳花急點雨，惺忪黃帽傳。呼白舫東一任舫，臺人擁髻春衫欲試舞，雪風

羣雅南朝各擅場，君家詩格祖柴桑。登臨定尔思親友好，和傳雲一兩章

賦得雨中春樹萬人家四十韻應韻御史試

日暖青旂動，陰饒綺陌平。春容連万井，叢茜倚層楹。自昔循時令，于今樂阜成。關廷端藻火，霖雨叶淙瑤。上苑韶光媚，仙門淑氣迎。綠巖三輔郭，濃撲五陵甍。下杜桑麻潤，新豐雞犬拚。幅員勤且略，聲教控蠻荆。地軸規模壯，天衢物色亨。萋萋迷遠燒，澤澤散寒畊。布穀邛邛急，提壺處處鳴。杏枝繁似纈，萱葉密于鬚。點綴駢田麗，睂眴夾道爭。佳辰絲可悅，鄉思邈遄征。旂旒嘉禾茂，鸞環秀水盈。版圖稽楚越，風俗接姬嬴。鮐老徵文獻，鴻生冠組纓。戟門森闕閤，湘箔闕媯姪。海錯羣飛膳，溪毛覽薦羹。玻璃攢玉腕，金石富鯨鏗。豚宰元相對，牛宮不礙振。烟花斜紫燕，卉木韻鸛鷓。擢秀栽桃李，儲材薄柳

檀陽坡添果蕊沃壤及蕭蘅博物懷銘槩探幽約柱撐芒屨
隨軟繡斗酒狂遷嚶不盡粉榆暗翻來輻輳并隔牆過綠蟻
共卷賣香飴若為傳神逸何當仿筆精坐看平佺駭曠豁
蘭二碧草還黏樹康塵半入晴社公扶醉面羣女出來情結
束衫兒窄嬉遊艇子輕物華如此豔生態杳難名信有乾坤
大從教化被弘人和骨順則王道美由庚藹仁風播瀼二
湛露明都俞陳雅頌鼓吹變韶韻茂對當春雨咸和自
帝京衮衣魚惠我郇伯正南行

首夏至襄公島望南湖

謝女滌涸柳絮沈郎輕薄榆錢綠荀脫裊个么荷擎蓋田
田
烟浦戶簾粉本齋舫家具詩甌儂倚日湖漁唱人誰黃鶴山
樵

滿把榼中乘落來狂榼辰粟留一槩答箸歸去條魚淚刺清
流

古風一首獻明府吳商山先生

鄒州冠東南山削水清激閭以磊落人三趾配鼎鑪知人獎
士氣確必歎歷二我侯籍其州冠冕歛見鯨風節霍炳蔚英
采先玃瑯竭來龍泉巖澁淡不卷悞超然謝司業搏風奮一
擊廣陵秋濤壯浪棹浮彩艦翻飛向天路咨往未奏勸乍憐
風俗疲甚旱兼及溺蒿目對隱民逋竄無接浙石壕何其慘
踏餐類虹霓遠郊嘯雀蒲傍舍踈冪歷漭二河汙濁悠二學
宮間雙鳧來何暮捧此二尺檄挽騎駢篠兒遮道走袖二賢
侯補袞手如刀刃奏書堂擁單父琴爨剝萊菔履安仁綠
槐濃愷之畫簾宗渠釀泉汜清認寡岸獄剔政和協甘霖
精禱謝巫覡甦波桔槔聲聯胝避炎曆蘇枯先種稂吐秀及

苔蘚秋霜蕪春日美政魚與敵四鄙自清寧公晏少運甍對
酒招蟾蜍蒔花壁蓮苗論文導其源鴟鵂有明的從容邊食
餘重以制義迪刮磨判圭璋陶冶出金錫生也首披揀終自
媿沙磔羈孤少伶俜北堂事紡績辛勤空長大散木等樗櫟
睽_二曙燈青_二街鼓馨破硯不救飢丹鉛已成蹟三年遭
踣頓辱馬尾焦燉扶搖豈不大風急轉邊鷓鴣來淚斑_二春
至心戚_二狂鬼恣抑掄困獸還跣跣_二野伏朝扇著輦
翟蹄_二一掬水壘洗沾漉滯豈乏九方臯_二劉錐出駕樞檢點
一篋書未忍遂墻壁葦桐鷺所求巖桂翫所覓食_二鹿吻_二
公入不私覲_二參苓藥籠收桃李門庭杓_二來歸當入賀_二琳琅舞
干鍼空谷有_二幽蘭媚_二寒露滴不言羞自獻_二付與靈均摘_二夫
豈不芳馨_二但恐先_二鷓鴣

題徐昭法先生詩畫便面

高絕先生不可攀詩題乞米落人間只今嘉遯羞黃綺
寒雲一抹鎖

賦得三星在戶

北牖斜臨斗南檐早挂箕人間良夜半天外玉繩移多露正
夫色殘燈少婦思娟_二鈎影_二厖_二點成_二倚幌他時淚還
家昨夢遲重門_二肩不得_二留_二與_二此心期

南天竺三生石

疎竹雨添翠遠峰秋更青來尋石門礪未識香林亭
不到清齋人獨醒_二洪有丹井_二乞取問_二遐齡

北山路曉行

蕭九娘家酒滿卮勸郎沈醉紅樓時五更昏夢不知處隄上
槿花風倒吹

明網上人畫小十六羅漢

聞說天台最高頂仙人五百上蒸修不知何處落寒影白石
松根恣意留

于忠肅公祠敬賦

伊昔汾陽駕由來奄尹親浪言輕奮武不令暫蒙塵端本須
長榮憂時仗老臣請和懲透渡卜貳却羸秦片旆烽還警朝
廷氣已新攬槍絲埽柄日月重扶輪可惜雲龍績從教瘞狗
狷指揮深中律勇決遜如神慘澹風烟合蒼黃血淚頻鷺鷥
冰上走鴻鵠雪中馴遺像叢祠古高墳信國隣側中當落照
遵渚薦秋蘋赤地看成碧扁舟笑憶尊猶聞商廟略颯二動
騏驎公授命之日都人語曰鷺鷥冰上友何處尋魚噓又自歎詩天球吳鴻何縵
緲雪中孤鶴大清癘又土人請忠肅為文二山後身因建文丞相祠于左界
桐鄉館舍有懷北苔在會稽

我客梧桐川君往山陰道秋山動高興天末歸鴻早待來終
不來坐惜黃花老

贈鄭叟行人雨隨長子也

日糴五升米年侵雙鬢絲阿誰羊舌泣依舊虎頭癡樽散難
為斲風塵枉用緇練席寒色甚惆悵綠窓詞

合荆園二首

孟家兄弟汝無慚好在新宮樂且耽想像讀善秋樹林別開
庭戶在西南
小園賦就動江關十載風烟木幾盤他日鶯花尋半邏駢頭
交讓許吾看

烏墩口号

春甕禾中話月波烏程下若比還過醉眠七尺烏蓬底細聽
前溪子夜歌

吳肖仙所作水墨劉海蟾像

眼如箕齒如貝直為履荷為佩舉靴乾笑何所思觀者却顧

狂而癡勿嫌落難中
剖蓬心豈不聞
莊叟仙乎肯許落吾
手
顛取天漿傾八斗

陸

金泥月溪清淺圖

初生月魄光不流
溼銀寒浸珊瑚鉤
綠衣且喜未驚覺
客我夢中來卧遊



草廬詩彙卷三

三友歌為錢先生賦

并引

秀水 諸 錦 著錄

三友者何謂花也圖書也茶也先生晚歲鄉居泊
然無所樂相與過從者邨夫子農丈人而已齋之
中爐烟颺于竹屋花當帖以藥欄書則左右是設
不必貯以庫也手澤猶存不必易以新也暇時倚
樹而吟嘗謂錦曰余出門而求友則不足若神交
於寢內茲三者亦自以忘其老矣俾余作三友歌
以紀之

空山子鳥鳴澗
子丁子裏人子天際不如一室兮
契花塢兮
蟬娟携甌犧兮
沈春泉讀書于花下
邀詞客于茶
仙清齋兮
酒山碁兄兮
海棠友九錫兮
五宜翻令曲兮賦

新詩揮架子堂上芳菲兮堂下草木史兮煮茶經補箋注兮
尔雅

無題

一自清揚晤曲房齊心耦意暗形相登牆元是窺臣里傾國
何須定北方海冰鮫人空有淚江南公子信無腸還愁皎月
當窓照軋機嚴度九張

上元燈詞汪開亭席上口占

春波門冰鼓咽十隊明童往渡還為有妖姬爭墮翠不愁
丙夜犯重闌

符西二癖紛燈娛美醞千花豆兩輪絕倒邀床村老嫗醉來
倚著小鬟扶

初玉尊美堂作

早涉太湖舟幾為颶風可覆

不謂鯨波白鬪疑蠟炬紅旅人先笑後愁坐正書室无管指

封笈閨房未拓弓寄言諸舊侶茲夕定飄蓬

懷四明沈補臣孝廉三首

盍簪猶記署東偏雲散星離已十年遙羨句章城外住玉珰
長割日湖鮮

風雨聯床鬪白豪春花一十綻櫻桃思君雙鯉頻裛袖幾度
開緘覺紙勞

羊車一兩詣蕪臺想像天門正廣開誰念釣鼈滄海客技
窮還自畫寒灰

羅浮蝴蝶歌奉懷朱先生容嶺冰

吾聞南海羅浮之兩山二中蝴蝶多斑斕其間大者名鳳子
什二五二明霞餐青紅碧綠各生態文章黼黻饒奇觀一朝
西風剪木葉雲母輕盈抱山脅麻姑裙幅葛洪翁衣宗冥伶
傳誰一檢此邦在處生夢蛾白黃粉墨亂青莎等閒宿入金

鈴底珍重時邀紈扇過人生窮達亦如此惡者自惡美自美
明妃遠在漢塞邊血塩近入齊宮裏故鄉不遇妾飄蓬白眼
誰憐吾道窮師去蠻荒我吳下不如鳳子共山中

懷人二首

別後閒愁乞過春傷離翻悔昨相親綠窓影過團二月清水
書遲六鱗石關口生客易語楸枰暮盡更無目帶長簪短
移時驗未識迴腸轉几輪

已分初終比駟騁何緣藥店落飛龍別留錦段裁盈尺漫想
清輝減幾重風暖春深迷芍藥日斜江畔隱芙蓉相思遠道
何難采只是同心不易逢

述懷

我愛周穆滿飛龍不羈控一夕超閻風造化巧搏弄左褰木
公裾右躡金母鞵飲漿白鵲血濯足乳牛漣沙蟲猿鶴甫尸

解足驚衆陋偽不曉事訟等蕉鹿夢焉能從化人目短九州
貢

沐猴騎士牛黠鼠銜山薑取舍兩不諧擾如風狂北溟鯤
所息上林鵲所藏奈何貴苟得買笑飛榆枋聊且樂時命天
道非茫

蓑笠鉅耨斛弓盧陶旅段碑礪瑪瑙珠魚菽塩豉蒜農商賈
百工恆業各不亂壯哉田舍翁緡錢腰萬貫朝為牧豬奴暮
藉五花判器陋巷子文史窮汗湧危言軋蒼旻側睨立崖
斤緇塵多眯眼汲古斟華煥不如且棄去毋為指風漢

金錫上吳粵橘柚色江淮地氣使之然反之良恐乘管賢吁
異俗嬉戲為俳諧不聞桑梓閭可恠不可借楚材實晉用和
璞終荆埋拂拭古所難我何愁束柴

取馬貴盡長辟之能得士管青相贖肋寒風相口齒相頰則

麻朝相尻則許鄙最後九方臯神遇略形似蟻封穗行步瞬
息已千里可詫者及相具體飾觀美所以藍車中垂首多綠
耳

蒲盧祝負齋鸛鳴名游條物類可相感彼此無不侔如何稟
一氣憎愛殊薰蕕荃蕙化為茅駢角生犁牛

天鳥從何來十二將五十二雖生八九雛一氣同孳乳其性鍾
陰賊其類逐臭腐不臣羞鸞鷲巧詈恣鸚鵡聞之周官礼赤
友友狸蠱忍當瞰日中物彪亂寰寓列星書四七枉矢毒于
弩一雛既斬頌衆雛免跋扈惜哉時難乘豈謂力不成

東市售廣鼎西市賣飲羊巷南魔合羅巷北犧青黃市者一
何衆窳實信披猖不恨窳賈猖所悲市者俵赤文珊瑚鉤價
直百千強敦匠光罔十二足以薦巖廊掉頭不反顧毋乃各肺
腸

燈昏不肯臥日昃不遑飯蟬螿費商榷糴粗煩討論鍾絲投
筆拊左思側藩溷刻楮信無功畫蛇徒取鈍東家急就章拾
紫如手券岑樓雖言高齊未報方寸

矯二清露禽飄然下幽林朱冠高岌二縞帶寒森二清啖洗
人耳當春叩商音乘之以輕軒豈謂力不任性濁者雄鳩謠
詠以善淫果自魚幾何搖蕩主人心一舉汎滄海誰能量淺
深

其雨何滄二昨日去已多舊二不我過新二不我過結交異
窮達念此双滂沱孤斟已詔訂對酒還當歌頽然玉山倒柳
掄者誰何

載道以文章端不係高爵雕蟲與雕龍細大隨述作虞卿二
窮愁子雲元宗寔古之傳經人不比求仲曠俗儂陋文義哆
口不耕獲文衣裹癡頑仍然犬羊羶吾徒幸無事醒藉須橐

簫山雞毛羽鮮霧豹文蔚霍凡物且猶尔人可不疏淪誰与

能助我雞鳴慰離索

徐世起云五古濃澀則傷氣淡則無味若此源本樂府而運以才思故應祖桐風騷見孫鮑謝

郭元瑾画竹

燕乳雞雛拆筍時
曉烟宿雨放梢遲
無目領取嬋娟意
明眼偏輸老画師

一枝兩枝有餘趣
半稚半枯無點埃
多事當年浣花叟
殷勤影薄更須裁

題新安汪昆友新藏唐解元藍關借宿圖二首

堦前敗葉逐風呼
枕畔鶯泉響石麕
兼是隔牆嘶秃尾
可能穩夢到家無

鴨脚欹黃障
遠峰乳毛翻
露滴莎蛩西風一夜板橋去
搖落滿山迷舊蹤

書齋結同心蘭一本異而賦之

羅舍宅裏應無此
楚客騷中二溥聞
合似連環椎未破
抽如兩髻角初分
桃根桃葉元相狎
生亮生瑜空惜群
只少斷金人竝臭
吟詩獨自賞氤氳

其一為鼠子所嚙感而有賦

由來鼠子慣跳梁
豈謂奇葩一夕芳
妨碧井折釵
雙股缺岷山交讓
一株芳孫鸞舞歇
愁看鏡趙燕寒生
獨倚床自是綵雲容易散
不關花婢少收蔵

中表汪昆友招遊西山戲集少陵句十首

寂寞書齋應耽野
趣長竹高鳴翡翠沙
暖睡鴛鴦徑轉山田
熟風生錦繡香卜居
意未展丘壑道難忘

結束多紅粉
堪留銜玕車
未成游碧海
直欲汎仙槎
有徑金沙軟
無邨眺望賒
如行武陵暮
但恐失桃花

勝地初相引
花邊行自遲
汎舟慙小婦
解水乞吳兒
步屨深

林晚長吟野望時一丘藏曲折少有外人知

枕簟入林僻潛通小有天翠乾危棧竹白種陸池蓮不願論
簪笏祇應學水仙看花雖郭林難見此山川

野考江天豁山園細路高會當凌絕頂直欲數秋毫柳影含
雲幕牆頭過濁醪匣琴虛夜二未与俗人操

近接西南境深藏數十家水花分整弱輕燕受風斜洗杓開
新醞傾壺就淺沙何時占菘竹爛是生涯

今日明人眼連山望忽開見輕吹鳥毳隨意坐莓苔石相
蒼帶扁舟任往來出門流水注頻為草堂回

登臨多物色不与故園同野寺垂楊裏江流宿霧中潛鱗輸
駭浪喬木易高風興与烟霞會寧辭酒盞空

白日遙隱見人烟時有無野橋公子細空翠撲肌膚易下楊
朱淚茫然阮籍途江山如有待整履步青莢

風磴吹陰雪山籬帶白雲衆香深黯二佳氣日終二釣艇收
縉盡鶯啼送客聞入舟翻不樂何處出塵氛

山塘寒食

好雨新晴踏燒痕百年令節未堪論短長風柳彎環水高下
烟花歟乃邨荆楚祀時當火令句吳遺俗鬧金樽紅樓豔笑
疎簾出白舫笙歌舊曲翻幾處麗娃未織里更看鹵部過膠
門山橋野店爭軫轡後玉前驅肅駭奔短簿可憐迷手板李
鷹也自引珠幡春秋蘭鞠元終古寂寞無人續禮魂

清嘯檐看玉蘭花

在齊女門外

暮春剛值三月三十字津頭踏青滿誰當令節不出遊謝去
生徒鍵室館勺藥抽芽未可贈蘭草微芽寧足澣揭來直指
清嘯檐辛夷一樹斜暉暖錯疑玉皇香案傾散擲万床玳瑁
館或云羣仙瑤池宴遺下千鍾白玉椀團樂足供幽士臥媼

媚尤為老物罕即如武丘鄉一本年多風雨枯枝幹干似名
材爨下餘百年奇木海中断此株誰庇竟晏然靜閱高丘換
平坦雲亭玉立豈易得有酒何妨窮燕衍城頭纖月已離箕
明日揚沙迷町疇徐世起云
高若駘岩

三月三日

鵝黃嫋々拂隄輕魚隊香車駕六萌不比長安水邊見近前
逸賦麗人行

豚宰雞棲舊跡迷湯旺呷々上欄齊船頭慣脫紅蓑裏借問
漁娃鴨姓奚

書朱太史曝書亭景後

大雅嗟淪喪斯文欲晦藏倦翁不可作蒙叟已云亡渡此風
流盡誰憐著作荒一編雖在手吟咏轉淒涼
詩筆源徑術風騷邁沈任黃金輕郭隗國士得淮陰錫予榮

三接文章誓一心蛾眉易謠詠蕭瑟卧江滄

身還名仍著徑傳道更尊閉門多歲月同社燕雞豚松菊開
三徑江關賦小園遺書緘滿篋能讀待諸孫

再題二首

五日張京兆三生杜牧之江南斷腸句主簿定情詩阮籍無
端哭長康故是癡國風元好色屈宋是吾師

老賣長門賦貧嗟中路微出山堪白髮舊巷改烏衣玉尺倚
無敵金閨賞不稀秋天翠屏外老却北山薇

刪

張衡守席上賦得風簾入雙燕

一桁深垂翠尾喚棟花風急捲湘紋夕陽野草爭依舊明月
流黃獨不聞頻語定巢勞午夢差池短羽惜離羣自來傳說
張公子珍重于飛未忍分

題畫六言二絕



蹇術可憐无尾羸童如此耽卷莫是襄陽者舊犯寒來律吟
肩
溪行十里五里路指前邨後邨假若按肌不粟何妨待月黃
昏

草廬詩彙卷四

秀水 諸 錦 著錄

滄浪亭

風流蘇學士亭梅此雲封窈窕步碕上漣漪潭水鍾花濃碧
瑪瑙山霽金芙蓉惆悵條然別斯遊何日重

謁帝刺史祠題壁

日午城南隅來謁刺史祠蘇州妙為政擢秀媼婢媵有時集
文謙畫戟清香隨公真道遥公九十老不衰胸中本澄澹風
雅絕可師奈何內熟人強吟冰雪詩沐猴戴母頭媼母效西
施曾聞語僧畫標格須自為書牆志夙慕兼以示羣兒羣兒
未必喻吾自吟我詩

午日沉舟平江

紈扇慵持不障羞更教珠箔上駝鉤晚來急雨不妨泊乙字

酒船如画樓

吳下舟製不一大者曰捲尾次曰碁盤梢曰牡丹頭又次日遊山沙飛九次之蕩湖最小茲可設欄干置酒具

重憶趙丈子亶

者齋老於詩音書不可知雨昏紅豆子長日暗相思

夢亡弟

怪汝多聰慧無端禍痘瘍五齡成一世入夢轉雙滂淨饌元天性遺書慟北堂鶴鶴推短翼零落不成行

吳趨行二首序

吳趨行憫俗也借士衡意而反之

吳趨古讓國禮教開江東仁義有季子文學有言公荒哉王夫差坐占東南雄豬墳共豆園鴨城逮牛宮宣滄姑骨臺荒宴君臣同毒流百万家歌舞成巫風衣裳必麗都飲食羅珍豐糝黛飾窮檐文馬馳變童瘠土民嚮義沃土不材終江河日滔二流下誰能窮

荆人却河崇魯語垂爰居論祭豈傲福祀典亦有初破氓真蚩二滄祠事繁紆春秋集壇壝前呼走臺輿鹵簿紛且長雲旂翻以舒青袍何活脱手板迎趨趨神官尚簡穆陋巷堪軒渠我詩曉吳儂聊使衆惑祛俗

積雨

幾日不行小徑微牆上綠遍莓苔衣已涼枕簟坐無寐瞥見草中螢火飛

吳兒結宅臨江濱買魚論斗酒論斤昨夜水添剛一尺网魚沽酒請比隣

水中閣二私蝦蟆巢底翻二飢老鴉高荷大芋聽來厭愁見芭蕉燭影斜

汪中表招遊虎丘即席賦

赤馬船偏小香螺酒正紅含情對明月華髮倚西風

此夕江南月家三笑語看我鄉多婦歎幾夜祝團樂近聞浙成戒嚴

十四日再遊虎丘汎月次隱君孫先生韻

憶昔至正城虎丘後山不許遊人遊百年風月落吾手此日
登臨悲廩秋蘇門先生興不極雲亭遺老玄難酬古今興廢
勿讓道有酒莫空雙玉舟

題孫隱君聽松圖

萬个簷簷已耐寒更堪五鬣拂雲端若為譜作松風弄并向
絲桐石上彈

誅茅並計鑿巖扃空誤松根煮茯苓好語蠻童留半席他時
箕踞許同聽

蒼然不獨潤龍鱗一雀階前迴出塵歌罷玉壺三湖雪玉方
平莫是前身

牧牛圖卷

西牛韓況戴嵩最後來張符六擅場此首一匹方緡直風流
掃迹餘芬芳此圖誰所作年久脫名氏牯犝牯犝輸穀料科
十四牧童不麾肱翹足樹陰睡原田農丈人何處負耒至對
此身在桃林中白烟紅雨空蒙首漫道神馳渤海外催耕勸
牧脫佩帶江南草長禾油上見月不喘吳耕牛忽憶儂家烟
雨樓沙汀試借一柔舟飽飯冬菁戴短笠窮年沮溺夫何求

雷

蟄蟲俱墮戶十月凍雷奔殷三含雲動填三雜雨昏尋穀隨
地脉改月見天根莫恠狂花簇朝來適小園

尋貞娘墓不果

上山日銜山下山月挂嶺寒鴉集老樹黃葉走脊井紅粉此
幽宮千秋閉骨冷不知何商人重續斷碑整僧房似蟄蟄雲
鏢一丘影遲我改歲來春風躡紅杏

二株園 園為徐宮磨勿齋舊宅有宮人柳二株今在族二柳俱摧矣
楓杉檜栝柏松筠草木園中日々新誰信池邊雙柳樹起眠
重話漢宮人

小宛堂贈處士楊震百先生

尹媿衣冠舊先生民所望鳴鳩飛小宛古柏覆鱣堂飲谷棲
宗炳傳經老后蒼名山隨處好汗簡幾時歲

馮勿若登山臨水小照

經丘尋壑陶元亮漱石枕流孫子荆千載清風轉寥閬西園
誰得似先生

明發

攤書仍隱几歸夢繞離鸞水畔傳魚鼓天邊掩玉盤窓搖燈
藥曙櫓是榜人寒明發懷將母茫々集百端

桐鄉錢氏齋中桂樹一本柯幹特古百餘年物也改

館吳下追為此歌

榷楠杞不足多椅桐梓不足歌愛此一本古桂樹羽蓋離立
花行窩或云是吳剛斧落遺杖柯八公欲招隱山小分盤娑
不然胡為乎甌山之陰爛溪之曲突兀見此園々之奇木霜
披雨打花益足憶昨連華峰頂見清樾交陰最堪眷可惜年
多對一面未若此本餘菴舊主人指樹向余言我家先代族
姓繁松榆槐柳夾河樊自從喪亂幾改邑井里歸來搃非昔
墻屋不修絲瓦礫大樹濃陰作薪析室餘此本長無恙室有
神物加憐惜我思平泉花木成榛莽金谷繁華颯蕭爽人閒
万事同反掌舉手前致詞所見何不廣嬋娟秋月東方來有
花不飲胡為哉急須滿傾三百杯狂歌爛醉恣喧喧逐境移此
興不可致安得繞樹百匝吟千回

徐世起云有排宥有悅悅
非少陵不足言此

次韻和北苔移居種梅

西谿鄧尉未曾到二十年餘負此花髯也能詩魚嗜酒誰如
種樹使移家畫簾風捲寒香入蠻榼春浮疎影賒画史不知
風格在只爭濃豔配山茶

送蔣丈子和孝廬北上時應萬壽科禮部試

紫蕉紅藕過薰風到及搏扶六月中海內文章才有數日邊
先景思無窮柳垂厓下千門曉月上瓜洲一舸通此後停雲
知滿篋尺書莫惜寄郵筒

刪

汪開亭將往維揚有作

同傾醕醪三升酒獨泛維揚一葉舟山郭水村猶在眼登樓
題壁且銷愁劉黃微使嘲風漢束皙無妨賦近遊預擬攝臺
風月夜新篇須尔迭相酬

閩重午吳中竟渡歌

鳴銅鉦坎鈴鼓百夫蘭橈一夫櫓何期五月破舊事翻新作

重午朝來齊女城門見赤走紅龍白如練俄馬涓淵鬪旋作
于野戰一龍浮江刷之而一龍貼水沈于思最後一尾獨出
何委蛇遂若羣龍爭避之鳧鷖雁鷺颯沓紛披爭觀助叫莫
知為誰云是弔三閭輓伍肯揚楚些茨吳敵可憐此非時後
為見女娛君不見夫差水軍開練瀆往來不羨做飛速只今
餘皇安在哉肥胡屏稱後填谷室餘此種善酒兒如火如荼
照江麓

禱雨行

六月不雨吹炎風拙軍步就元妙宮屠門下令收肉籠里骨
得錢不上通幣然仰見雲童上龍尾下垂日脚紅有司禱雨
甚赫灼下令屠門勤捕索丙夜磨刀聲霍々

一日復一夕用昌黎句

一日復一夕養病未能痊懶慢晚冠帶頽唐散田鉛把卷百

魚功詩題多隔年婉變教童子嬉遊任後前吾自適我情吾
自安我眠飽食起扞腹有慙邊孝先百年六鼎二博矣聖所
賢

東孫隱君時聞有包山之注

勾漏尋砂葛長安市藥韓自來聞幼女盡說是仙官夫子原
瓊樹人誰匹探鷺有時穿犢鼻隨意把虹竿林屋寧無洞毛
公亦有壇何當刺船去清嘯不知寒

剛 寄周子

秋涇水上周郎宅來往無期已二年善易九師誰屈指授後
終日罷炊烟愁邊荷葉飄孤館夢裏蒹葭上客船想得南樓
頻徙倚歸期同對月團圓

過山北草堂却寄沈芝岡二律

賤子棲蝸舍佳人寄竹林玉環何日合劍氣此時沈桂樹叢

叢暗晴蟲瑟々吟相思不可去白露襲衣襟
授上塵埃內誰驂鸞鶴羣砂床不死藥瑤草一枝芥余亦尋
青艇相期入白雲猶嫌無羽翰輸與沈休文

藏書

書契局結繩實維義聖首文字一以開徑史麗星斗是時少
陟墮不律亦未有編絕續以韋帶斷輯以柳云何得流播作
述迭先後自唐鏤石徑棗木垂永久雕人雖日富貧子恆束
手一往購千緡何況大小酉囊餅類鈔骨還瓶閉勞酒借書
非我子何來此村叟端然束高閣後供壁魚走寧知青衲帙
中有神物守融風攝通靈鷲電來下取不然一失所蘭艾相
雜糅昧者裹蠶箔妄人覆醬甑本欲傳古人翻速古人朽傾
身障錢簾曾鄙祖約醜藏書比于囚持比孰賢否

紀事 十月初五夜關門失火市廛燔者百餘居民溺水及踐踏死者凡二百
亦吳中曾有之奇災也

二八吳通門金閭自西關喧闐南北壕遂未累百左或販
魚鹽右或量果核因之而城居閉六背水宅却行乃肩摩如
墻進九阨融風一不戒陰燄動地驀前呼擁達官牙爪恣驅
嚇遂令當阻隘水陸駭枕藉天灾何圖無襁救有常格樂喜
巡丈城子產書焚籍芻莩可以詢此語請三筴

刊

雪坡讀書圖

昔登讀書臺一為逋翁一野王二寥六自苦何殊鼠銜薑人
生貴適意何必區六兔園計誰家散帚享千金不見長風破
万里子非狂而癡作此圖何為歌穀出金石冰雪知音希不
如水中鳧汎六無是非

崇禎壬午

己丑年作

奇荒十五載相仍是後九間壁壘增日記至今傳故老宵衣
當日警思陵桂薪珠粟方凋瘵白馬青袍更沸騰辛苦為僞

逢世難幾時

玉燭史頻登

吳中某士人
日注其下

射虎詞

紀吳城事

魚網不在開鳥網不在天猛虎在深山射生戶不肯一朝入
市上寢處無人憐

乘雲引

鳴鳥在谷子蟄蟲未蘇猴騎土牛兮驥服盧車乘彼白雲兮
樂亦只且資舟楫以遵陸兮被冠帶以游吳已焉哉嗟非我
友其印須

讀曲壯愍遺事

將軍壯氣壓崔魏婁宿孤甫直指麾枉筆憑誰誣馬謖提刑
一旦付康隨森嚴旗幟終何益破碎江山亦可悲却怪史家
專屈岳母書只罪檜交綏

歇山上人書枕

五寸招搖木天然助枕書體殊山上正製比器中虛手倦無
勞把篇終儘自如竹筆床茶竈外失喜更添渠爐筆

剛

陳遵函猫

細草黏毫末秋花綴石顛側身如避蝶生態宛銜蟬何日又
爐坐還期滅燭眠吳盞催晷就喚取綵絲孳

醫士沈子年歿幾二祀余不及走哭唁之以詩

沈叟悲長夜何人解恤孤寒燈猶客館不遣供生芻

寄懷馮丈時客太康

顛也真雄霸文壇冠一軍應知嵩少步盡說大馮君西華雲
中合關門樹杪分望鄉如有作為報故交聞

○效風人體三首

即近前秋風折荷葉能得几時蓮
休相戀碗已躍平津何時重得劍

行坐愁蹄涔本細水魚計使長流

草廬詩彙卷五



次韻送瑩上人入皋亭山



秀水諸錦著錄



吾間居山長日如小年上人別我折柳未眠春風旋催桃李作紅白者雪綴紅者為火然即如范蠡湖邊亦不惡湖天海月閣上色雲烟來何所聞去又何所見掃除一切生死離愛憐千山萬山欲探虎乳窟一瓢一笠直踞鳥窠禪上有慈親下有幼小弟慎勿東西南北如榆錢

張安老而無子每語及身世之感詩以慰之

早年聞道整庠膠晚節何堪尚繫匏快論幾于瓠建屋離居直似鳥糞巢自來東野憐花乳只有南城每涕交曾憶病維摩詰語此身元是水中泡

劉子雪蕉圖虞山王石谷吳趨高澹游各作一紙而



邀余為之詩

卯金本著族自昔多耆英驥也尋花源晨也探赤城雪蕉藉
其後高舉任保貞庭前樹縛且架以堂三楹冷然北風階中
有金石聲所嗟襤褸子如首兀空撐晦朔且不知寧見霏與
冀吾子背時好一段凝冰清苑林得暈蘭點筆饒寫生周北
與張南可惜不合并中央有餘席歲晚來結盟坐即同夜坐
行即同曉行

三月八日

為浮圖者必合其尖一簣功野誠有是言伯通之賢梁鴻是
庶乃如之入逝不古處
古稱人師道義攸屬借著而籌夫豈家督私龍斷者名賤丈
夫乃如之人子母錙銖

太守何夏九先生壽詞二首

江湖魚麥騎玆子金石琴書六一翁不獨清香凝燕寢邀床
肯染陌塵紅
桃李公齋著意培風烟雨露涇枯荻勝他水部揚州口東閣
唯栽一樹梅

同鄭元治蓼塘晚眺魚寄朱友調

步出北部門婦販兼夫擔人家雜陶復一如園舍龍齊女門林
多窰市盡得平曠正練開澄潭是時梅雨初水木烟雲含穀
犬不厭鳴絮耳亦所堪莎雞不厭唼藉草亦所耽何必黃離
留斗酒配双柑棟花紫茸上柳條綠疑上忽露西山容翕黛
還霏藍惜無并西老點筆生浮嵐頽狀日之夕古寺昏鐘參
二人各竟醉明月中杯酒

蓼塘行贈諸茂材襄七

朱丕志友調

君吟蓼塘詩我歌蓼塘行蓼塘昔日多奇英一時數子俱

有名丁楊才地尤卓犖落筆往二鬼神驚殊大父容卷以及明遠先生皆長于詩

邵僧弥九艾菴二君兼擅畫尺縑寶惜同瑤瑛風流歇絕三十

載予懷惆悵空忤二忽有吾鄉客舍館齊女城丰神瀟灑

冰雪瑩威推墨妙更華精羣雅不齒渭南叟八分何減梁

昇卿文成擲地作金石欲與李杜韓蘇爭俯視流輩蒼蠅

聲如君詩筆真縱橫分居仙職朝承明數奇飄泊隨斷梗

客窓蕭瑟對短檠偶出遇鄭子邂逅車蓋傾往來客舍不

數武短篇長句朝夕廣昨遊部門外載酒聽春鶯是時蓼

塘風物好濃陰一帶新雨晴青楊淡二晚風裊二添波灩二

長隄平西山一抹爭湧翠蛾眉掩映遙含情北里傳言陸

相墓忠魂赫奕千載生飛鳧銀鷹不知處亂烟衰草農人

耕君應弔古增感慨於立道左徒屏營夜歸更酌倒百榼

吟詩揮洒頃刻成朝來羅起脫巾帶走拉鄭子過柴荆令

予义手不暇展朗誦新製聲鏗錚伸紙疾書滿尺幅低頭

捧讀慙投瓊闕奇覽勝催索和強韻嚴整森五兵嘆余學

淺才力薄中頓批戰詎敢櫻性懶不堪受束縛遮莫鳴鼓

揚旗旌与君嗜好頗異趣二酸雜和方調美咸韶古樂聽

恐卧翻互随俗吹竽笙丁楊數君不復作聊尔商榷費品

評二蓼塘詩二蓼塘行二世上知音誰復是二不如弄酒鎗卧酒鎗

与君共酬雅二兼餽二

酬朱友調

朝來寄我蓼塘行三復詩篇謝朓清如此有才傷老大不知

何地著聲名十千僅足村童俸尔汝還將濁酒傾儂舞蔗竿

君拍斗共相摩壘潰愁城

書震百先生楓江館課後

篇章大半題天寶甲子依然仿義熙江水欲招朱鳥味謂維斗先生

門人每輟蓼莪詩狂瀾砥柱須遺老青竹書名待異時共道
暮年多樂事孤燈三復搃淒其

楊夫人棠上白頭畫扇

梅花百舌詩仍好蓼屨挑溪画更佳未若論詩魚論画棠鸕
繪出隱居叙

秋老棠花子著枝白頭翁貌出林時若移便面蘭閨歎定道
當年孟應之

孝上人採蕨手卷

我初不識明閑叟誰其友者山南某客歲曾傳書枕扁製作
風流在人口只今又復圖採蕨滿紙珠琲不脛走寒園冷笑
老尊宿弱脚寒中何所取齋廚豈不飽香積白牛之乳堪起
波如其有意服仙餌九節當蒲潭所有本無所住何去來豈
為秋風動思節接輿行歌悲屈足鉤弋生來本拳手高人嗜

好亦有頗屈到之芝曾指索不然端可配商顏異日作詩歌

老壽

本草注云四
皓食之而壽

孤鷹

肅肅昏黃後飄飄一鷹歸艱難時獨注清切念無依不盡兼
葭白偏遲粳稻肥此時有思婦莫近畫樓飛

湖上拜岳忠武王墓

湯陰岳鄂王忠義薄日月纍纍若釜墳百世仰臣節紹興更
甲子金 恣窺竊忠勇奮先登順昌掃餘孽王也矯臣神
武不嫌殺除莫是飛來識語氣已奪朱仙一鼓擒捷懶已禡
魄恨不抵黃龍長趨搗巢穴誰知大廈傾一木終見拔禍首
秦長脚厲階婦長舌周納論棄市雕兒與賊屑嗚呼小朝廷
半壁忍求活遂令第一峰五馬執猖獗蒙塵終不復廟貌猶
慘戚雖然鑄烏金未得國誓雪至今風雨晨鏗錚響金鐵

趙丈八十作古風一篇以為贈

國家敬老有令典攷之經禮乃具存深衣縞衣異庠序祝嘏
祝哽羅兒孫其于八十每珍膳三王四代行彌尊安車既免
帶輕霞燕玉直欲回春溫徵歌鼓缶逢大耋百年歡樂難備
論趙使傳是宗室系只今零落猶清門縱非更老食太學庶
羞可以烹雞豚奈何資生百無有食蔬衣褐兼朝昏老窮却
喜腰脚健矍鑠突過孩童奔竹林有時偕大阮籃輿不用呼
阿宣莊周葆光有玉道先生母乃同漆園投詩放眼方一笑
聊陳古義史所憶

九日集小宛堂逢海寧許布衣

孝子知名久交先傾蓋深少文無疾病尚子好棲尋寒覓美
人意飛鴻弋者心方壺如可縮肥遯及於今

長洲汪生禮耕問業譚藝三首

劉筠楊億西崑體冷笑當年只掉書若使靈珠端在此祇宜
衣鉢付鈔骨
風騷漢魏摠胚胎昧者侈言有別才捷徑但知宗擊壤不須
有目諗童駸
雪中鴻爪元無跡水面芙蓉迴絕塵可恠市倡塗粉黛何曾
識得謝夫人

錢先生六十

先生翰林風月姿泥塗甲子造清時客來止酒復沽酒老去
吟詩還采詩淮南之桂架滿屋墻角有棋抽一枚并華從此
汲平旦夫豈不如飲上池

詠袁古跡三絕句和茅渠眉

南國佳人久寤寒學蘿何意出嬌饒亂頭麤服猶傾國香粉
羅衣可太妖

伯東應覺首飛蓬便有妝臺也付空
摠為夫差爭一笑秋風
已自滿梧宮 右妝臺

附西施妝臺原作

茅應奎

亡吳霸越仗婁娟小駐由拳照影妍
貪看醉妝面限好闔
閨將指在誰邊

朝為越女暮吳妃去越來吳此暫依
不把黃金雙合鑄空
教環佩月中歸

功成身退合浮湖禍水相傾便治吳
沉宅祇宜依就李三高
都不題陶朱 右范蠡湖

范蠡湖

茅應奎

謀國功高藉女戎吳天鳥盡豈良弓
五湖一舸今何處合
有飛魚出此中

得馮文中州詩却寄

有客自中州來詩賦遠遊母將懷抱盡併起故鄉愁

采桑婦

桑田幾處鶉鳩呼辛苦攜籠五日晡
自幼原聞秦好女生采
不識魯秋胡三眠乍起同人柳四月猶寒擁地爐
盆手便成
紅女事上山何用采藤蕪

奉題商山先生畫冊四首

伊昔單父宰鳴琴歌先王陽橋車驅之其釣者維魴同時平
馬施戴星太匆忙公來禾六載慰彼黎庶康緩刑不用蒲坐
理不下堂我

皇思阜財熏風被万方願以寫此音載歌廣虞唐獨彈爰者
寡貯以古錦囊 右必子彈琴圖

茫茫天地宇九州復九州大哉百谷王日月相沈浮海雀不
受鉞盤空俯羣鷗曷不控其背以荒恣遠游此中神山三才

丈蓬瀛洲閩風無闕捷仙人居上頭左手招羨門右手拽浮
丘道遙子容与可以壽千秋 右乘鶴圖

大華藕如船東海紫如瓜如餅者桃實如麤者松花胡為盡
却棄獨撥瓊田葩煌煌三歲三秀療飢豈無涯是物冠羣芳大
椿陋南華可惜入商顏不識延陵家季子臻上壽有徵信非
賒入林如把臂圖作五老倚 右商山西皓圖

夫須雖小草結根南山阿芊綿繞岩坎卷曲蒙煙蘿君子有
豈弟庇蔭如春莎以為邦家基隆福亦孔多所嗟民父母斯
削傷天和蒼鷹伊可畏卧虎不可過如倚折足几如嬰捕雀
羅懷哉永懷哉樂只我所歌 右南山有臺圖

憫雨

浹旬后土不曾乾四月披綿尚覺寒到處倦旺泥滑上舉頭
罕見月團圓上預愁爾作新絲貴尚有雲連宿麥攤物力咨嗟

何所補跳珠且復捲簾看

傷春詞為友人作

荀令香銷盡潘生淚未乾不堪追往事罷舞鏡中鸞
弱水三千里蓬山一万重臨邛無道士夢斷五更鐘

陳生讀楚辭作

四座俱寂寞陳生吟楚騷冷然清風玉万類窮秋豪高柳蟬
輕揚深谿虎怒號如聞屈左徒惟悴悲江皋士生而不過荃
蕙猶蓬蒿娥眉雖言好理弱媒後勞况有謠詠人心與兼目
批讀罷三太息為予增鬱陶

過鐵舟次貴池吳五處士復古韻

結廬不異益城坳池上闌干幾遍敲一道萍開魚尾上三分
花放鳥交上谷躡卧虎須長箭籬挂牽牛種小菓七十坊中
最佳境來過休說蔗先梢

吳復古留寓金陀相見之明日作詩一篇以為贈

藉甚延州來寓公在空谷于馬朋盍簪有客來不速迎我笑
而莞對君熏且沐撥尔掀于思瞭焉炯深目濯々秀群芳憲
憲冠佩玉淵源恣討論開提有幹軸高跨齊梁隨下薄楊范
陸偏師仍礪乃驅猛亦服不鄙詩誰見採君嗜毋乃獨如昌
顛羊棗如逐鯨海鯨緬惟德陵初有若輿脫輻同者聖姚与
異者節甫逐君子則在野小人方有屋偉哉樓山公謂次尾兩先生
朝分剝復星羅四七宿輪轉三十穀狎主復社中載書在青
竹成仁踵前哲弘紹並者孰豈意化鶴猿漸鴻此信宿天末
多涼風林端有伐木何當折芳馨季月汎以菊

附和詩

貴池吳銘道

種樹師橐駝埋憂潛壑谷用拙補晚聞善嬾謝機速軒軸
喚不醒悶癢極方沐胸無貪嗔癡天付口耳目匪緣不求

魚欲他山攻玉搜枯撐腸卷借鈔揅架軸舟々浮此生汨
汨沈于陸大雅陳則難斯文在茲不嘗閱數州雋欵遠靜
者獨執將膾飽鯨認曰痴勝鯨眷焉叩吾門奚能員尔輻
把臂真所期操戈誰敢逐磨石莫成田漂巢未有屋太上
賢不朽古人今可復凜々畏政師坐々進推轂况從子雲
亭獲賞中郎竹將母常苦飢薦士當告孰一篇送秋穀五
夜迴斗宿絲綸并大春勳負韜擇木明朝送就我一壺對
黃菊

復古以前韻見酬并出所著滇海集諉誑再賦答

我我遭天公怪囚飛在幽谷興至時一吟短衣舞獨速二句
旬而九食經月纒一沐乘龍割其耳困魚矐其目寸莛難撞
撞鐘燕石敢比玉朗懷考槃篇矢志在邁軸獨清還獨醒非
非水亦非陸竭來酌贈詩尔思我豈不太息詩教衰誰者歸

然獨麋材類羸蚶雋味斯瑤馥縱欲成一隊櫓去建以輻祗
堪壩下戲未見中原逐冷笑降肛徒号令誰黃屋英上貴池
豪道古上可復善甲先為容若車必斬穀若韻生隼桐若響
鳧脩竹若筵去釘餌若饗薦爛孰若華謝披朝若莽不攬宿
我言清濁半辟被堆登木明當飲罰爵歸揀滿頭菊

馬太君輓詞

太君系出授經翁絳帳遺徽迷管彤有子能詩倚白雪何人
作誦比清風即看車轍無題鳳想見劬勞有和熊張仲自來
傳孝友見星一倍杖哀桐

九日吳復古朱愷仲招同泛菊

客携焦家園舟汎衰公島風林下脫葉秋水已收漁于馬一
尊酒足以豁抱何必囊茱萸登高事幽討

重送瑩上人

近來年少多輕薄方外過從眼暫青不道高僧留偈別獨看
紅葉訪臯亭

桃花里同吳復古作

桃花里乃在澄海之南襄島之溪東接駕湖北馬塲陸走真
如棹長水有村盡桃花豈止廿五家漁人卜訝谷中錦道士
欲添天半霞土人豈解曼卿戲彈核遠近當春修我時高興
尋一棹唯見有橋空有廟上無解語下魚鱗油菜花蠶蜂蝶
聞人興亦復聽人亡當日丘園今種桑不獨桃花里如此不
見亭有嘉禾与橋李而今欲討無基址

黃生尚廉西泠拜墓久而未歸却寄

輕舟短棹何處松柏西泠墓田恠底潮來無信思親羅刹江
邊

卜文人林通毛氏詩解經多立新義以詩訊之

大小毛公本茫上墜緒多雅南無舊學桑梓見西河石鼓虛
敬持披篁詩費揣摩解頤方過鼎持論欲如何



國家圖書館. NATIONAL CENTRAL LIBRARY. TAIWAN. R.O.C.

草廬詩彙卷六

秀水 諸 錦 著錄

賦得垂柳拂烟波

波面烟輕颺柔條夾斤桑綠舒眉乍展青送眼斜窺野水紅
橋冷回風小閣吹欄干收不起塵土欲何為望遠還憐弱臨
流轉似危那將腰並舞未忍手頻撝丹江潭林依灞滄
湄何人移漢殿太液更相宜

范湖草堂偕吳五處士孫二孝廉觀劇東江三上舍
乳燕鳴鳩掠畫屏當筵一曲雨淋鈴禾中樂部都零落難得
吳歛小院聽

何使君席上贈長沙張三孝廉豈石即送其遊山陰
賈傅麟才子相纒思美人蛾眉羞自獻前席若為陳避迨清
揚願支離骨相屯不圖真北土重見九方歎

孝廉於余詩文有
國士之目故及

絲竹安昌宅彭宣得許覘乍逢湖海士又報水程籤伯禹雲
藏穴西施鏡啓廬送君南浦去賦別媿江淹

六逸圖為山北主人作

圖名六逸者其誰文枻所題袁雪為漢晉魏人手獨追竹溪
輩流不屑規扶風一窾洞簫吹抗聲欲使鳳來儀乃翁肩舁
何所之爽以舒宣兩小兒脫帽徑欲來東籬醉倒卧甕盎所
知鮑陽吏部也大奇不願酒人相投持蠟屐晒書絕可唾五
車幾緡身外遺偶然山水相諧熙此中豈受蟬蠹欺唯有賣
藥真相宜活人無弄巧不賢數君坐卧行止隨白描生動何
淋漓按圖撫掌還支頤北山主人勸作詩筆削未遑贊不辭
前身西手李伯時

山南樵人圖 石谷子作

言從山北來還入山南道得非謫仙人志在尋瑤草何不射

虎南山中將軍老矣故不封何不飯牛南山下伯園已矣成
長夜我戴僂冠多誤讀坐令餬口無饘粥入山結侶倘見招
秋菊木蘭寧一束

題吳志行上舍北上吟稟二首

我似虞翻不入時窮愁端悔著書癡憐君賞紙驢三券眯眼
黃沙尚詠詩

易水蕭蕭起朔風燕臺草沒荒叢空教駿馬嘶寒水何處
黃金免路窮

冷仙亭次曹侍郎韻

樓居絕好俯城坳三面環池百尺高大隱市朝元自冷小來
甌甌為誰勞六銖衣薄難遮霧五粒松新未作濤我欲拂衣
來此佳采真豈必孫禪逃

江南道中

三百九十平橋四百八十寺垂柳忽東風指點吳姬肆

孫先生歸隱故山

青牛車駕靸白鷗籠放翩翹康樂子居畏壘五柳公在斜川

池州杏花村為杜牧之遺蹟

草木亦何事得賢乃芬芳三徑蔣生宅百花杜老莊樊川來
刺池風流冠維揚偶然問酒家一帘挂村旁青烟罩紅雪題
詩起徬徨娘二轉睡去如郊西海棠焰二欲燒室如嶺南佛
桑館同爭春館坊比碎錦坊何必來娉婷珠簾映紅妝亦有
朱陳邨風物太即當一花何足道攪亂刺史腸

讀春秋一絕

重九前一日觀霧

巨梓窮殊相茸頭武奮揚肅霜初戒旦曙色動寒芒自昔羸
秦始於今祀典常軍宮堪壯絕白日正流二

周梅墟墓

白苧村中處士廬梅花繞屋最扶疎襄陽耆舊曾偕隱元晏
先生但貯書赤米白鹽誰料理悲風宿草動秋歎鹿門題跋
華亭讚函象唯留孫雪居

秋懷九首

秋夜恒苦長秋日恒苦短循髮步中庭穿牛星有睨顏色不
復故衣帶日以緩愁憂無端來露下黃菜滿吳後古云十九首之遺
帝釋既以遠外道爭絲二脩羅與藥叉各自張其軍或如梨
丘鬼或如幽獨君東西幾局仕涇渭不可不清廟朱絲絃三
歎誰與群當世無中郎百年有子雲去者何所見來者何所

聞

維天星有箕維地津有姤天地尚不免何況羣兒數布互投
火浣五空付石攻物理但細推吾道豈終窮

漢代有佳人絕世好蛾眉自矜無匹敵氣壓毛西師因之見
疎棄不得被主知古來如此事豈不令人悲已矣勿復道毋
為寧所思

朱濟學屠龍不惜千金儲技成無所用為計亦已疎泉以不
飲狂蘭以當門鋤我唾羊叔子銅雀伎不如

士人第一義有學貴養淳顏子務克己成湯唯檢身孟軻三
自反存心在禮仁特選一朝惠自謂勇無倫寧知口生垢小
了揚其塵世衰大道微寧我無薄人聽我雖氣上我言則諄
諄

學校一以廢士子無典刑朋徒各雲散苦辛抱遺經為學須

厚殖有如饒垣肩所以古之人征邁喻脊令况當秋氣爽燈
火先焚上奈何不相見寥落如晨星三月在城闕使我傷衿
青

我道甘懶拙析言忌佻巧非慕正則醒恥共侏儒飽飄風款
相值翻使我心攪得非是人痴母乃被童狡翻反一任尔我
且闕縮爪

相鼠在松柏詎曉堂容樞雜縣心魯郊徒尔駭鼓鐘折揚一
啓齒擊節和者從道古不唯卧抑且肆力攻侷者故不愿安
者畢竟庸人憐何墨上尔思太懂上發矇堂少壯老矣徒龍
鍾

定海陳孝廉母張太君壽詞

桃花山上青鸞車桃花山下緋桃花此中避世可度世况有
仙人棗似瓜

刪

發女天邊分外明霞灰吹動一陽生山頭白鹿如相見拜表
先從定海呈

偕友人登峽石兩山

斷嶺東西峽飛梯最上層轉愁無濟勝有喜得嘉用落葉拚
穿履寒魚不受曾薄游堪盡日敗意此山僧

梅花應段方伯試

冰花第一奪天工冷笑群芳未肯同縞素何關千里月輕寒
不散五更風空山彷彿傳難似翠羽啁啾夢未通已覺相思
謝塵垢此身如詣水精宮

竹外人家盡日長孤邨流水繞迴塘朦朧淡月窺無影點染
疎籬靜有香遠道幾時逢卓益江南誰漫比徐娘鹿胎糝地
猶憐惜蝶翅蜂鬢不用狂

鄧尉西湖足勝遊合離風雨夢羅浮凍收忽漫湘妃立么鳳

胡來玉女求未必明朝不風起且須看去亂春愁轉嗟陋俗
無真賞吹竹彈絲闕未休

天寒翠袖悄無隣縱有孤芳亦自珍古洞宛如明月峽春風
癡絕武陵人轉于冰雪開生面未許棠梨逐後塵不獨瓊葩
壓凡卉他年鼎寶視先春

穀日紀事

赤馬船輕疾徐灣廟上來堵墻南北斤箫鼓送迎杯拳勇真
兒戲釵鈿簇繡堆張弛文武道歡笑入春纒

虎丘山下拜姜貞毅先生像

萊陽忠孝數公門八月垣中諫草林龍去鼎湖戈尚荷鶴歸
華表語空聞酸心何止傷千古直節行將紀二勳辛苦流離
姜仲子清詩散遍敬亭雲

春仲孫處士招遊上沙飲卜叟西山草堂還宿素鶴

僧院

舍舟乃遵陸言看西山花客主兩相忘壹志窮烟霞尋常厭
肥膩望_二接_一粉娃是日含宿陰清曠雲山涯連雲忽斷嶺漏
石_行通_分沙空谷出寒梅平岡齊野茶卜叟敬受客攜手停我
車壁間列詩牌梁上展函义相知樂莫樂永好舊有加午辭
草堂去暮向僧房過未知夜何其起看北斗斜明朝在城市
惆悵山人家

范文正公祠

萬笏天平石茲山祠墓固有憂皆社稷呼字列兒童邊制威
元昊和衷協許公千秋猶俎豆喬木映丹楓

吳興韓二上舍索余吟橐口占一絕報之

多病傳經較悔遲楞伽况復費尋思誰能更出關心力雕繪
風雲月露詞

院試報罷與張南麓夜話

三獻不得意惜哉空暗投張郎無愠色風度遠群流行吟竹
柏煎珍重珊瑚鉤余亦途窮者慚君涕泗流收

書汪母節孝卷即以為壽

新安古稱天所都在山泉水清淵映有氏汪芒母也賢端能
冰雪矜高行及笄纒屈便摩笄對鏡方開愁破鏡孑然腹子
出而遺勉為其難何憚病瘵媿殘寒念正深望夫石老心逾
勁亭_二獨秀無_一眾草落_二長根有_一正性至今七十如_一二十
誰謂天定非人定古來列女垂不少羅列前脩皆可証地城
無過殉亡人截髮但聞當守令已知女宗能不如尚覺懷清
猶利勝以今準昔事所希鄉人傳說堪加敬移山勇猛感操
蛇銜石劬勞偏受命苦經蓼荼出莖芳劫逢風雨還清瑩我
詩不獨侑瑤觴願以管彤昭志乘

漁山圖

寓竟釣莫釣托言漁者漁君看千仞嶠神物有飛魚
木末采芙蓉水中寥薜荔會此靈均心漁山亦何戾

初夏曉起寄本上人

夏木漸成陰黃梅初過雨枕上不成眠暗度流鶯語斗酒屬
何人風物已如許

鍾際飛餉淨相寺構李

同是瑤光散嘉名獨命構蕪城麋鹿外佛寺爪痕蛋色異房
陵繚枝低衆鳥窺故人珍重竟寒水寫纍纍

苦旱謠

夏日苦涼秋苦熱苦熱猶可苦旱殺我雷隱々雨欲來舉頭
望日脚垂

某上人戴笠圖

道安已返真宅謂端白即
瑩上人也杖屨何人與從戴笠尋盟有尔下車
他日相逢

吳昂千帶經鋤圖

吾生塊然七尺軀此中空洞無羸餘逝將種豆南山下老農
豈不輕樊須古人勞心亦勞力山樵水釣仍咿唔平生緬懷
兒千乘一身經訓兼蓄會家貧親自作都養入息尚且勤朝
晡始知心力迴絕世亡羊漂麥何人與濮上吳君千載後曠
懷同此催臨摹我思此画不苟作伏處隴畝有遠圖方今
聖人建中和溥洫盡力疏填淤何不出疆舍耒耜係陳封禪
河渠書

將赴省試陳伊原上舍致人參

虎穴探深得羊頭絕頂剝異名傳兎蓋上藥合人銜有客憐
衰病輕郵致密緘文壇遲跼跼明日好抽帆

題坐觀垂釣者小照

用世遠城北堂餘觀釣圖天寒應憶蟹風起忽思鱸前輩江
湖味斯人濠濮圖後臨流更何羨只合對菰蒲

填河曲

古人重守邊今人重司戶日上城中聞擊鼓柏臺舊基開射
圃前賴肩後接武百姓鑿河軍實土可憐悍卒填河填河
未終喚奈何

刪

吳汲臣以雅揚扇履見贈賦謝

幾緡平生志經秋送司陳溫涼唯予念嘉旣一時頻自覺風
光好寧愁雪苦辛思乘何以答聊用拭清塵



草廬詩彙卷七

秀水 諸 錦 著錄

元祐黨籍碑

道君皇帝嗣位初赤白氣挾西方俱流傳天變不足畏又見
欖槍絲掃除乃知奸諛竊國枋恣以鉤黨相吞屠其先立石
端禮門未幾播惡及海隅碑高三丈濶一丈涑水以下無完
膚歿者奪官兼毀像存者中朝不得立斯須禮玉作銘有遺
臭李斯揭石尤矯誣彼猶可怒稔已惡京也剪此朝正士胡
為乎想其顯書深刻時意欲獨出無古初海棗陵谷不能蝕
蟲沙猿鶴不可逋睢盱噉嚼無顧忌自謂快意真訐謗嗚呼
天地有正氣華袞却假一字誅剝之上九存碩果焉有君子
反剝廬三百九人更作傳子孫恩例遞上書宵人私恨後區
區昔何氣銳今何愚白芒忽聞前殿泣金狄連騎東都驅上

皇蒙塵紹興渡此石未泐國已墟前者甘陵南北部後者東
林復社徒邪曲害公亦如此古今反覆何所無古今反覆何
所無不見鹿可為馬脯可蒲關河先生云亦負身羽擊碎如意三氣
而龜藉舍蓄不失敵厚仍出自少陵

讀張曲江集

經國文章手開元名曲江此人宜左右除宋更無雙鵝年何
勞嚇胡雖未肯降飄然滄海去餘恨莫南邦

學上人止宿招慶兼東方丈玉公

虛閣間無人殘燈黯復吐欲曙忽聞鐘行齋更擊鼓浮名一
以戀沃野多塵土羨尔山中居石床滿花雨

神剏

爾江先生云吮漱靈均芳潤直令山
言川舍宮焚境曉不第從親普生

草廬諸葛子醜醜才惜騰寒號粗得過曷且何時明坐困齋
無膚視愁目轉睛卧橫六尺牀酣睡喚不醒有神曰趾離夜
夢通精誠隆然方寸閉五嶽起峻嶒再拜前致詞神官為我

聽天何媧石補地向禹步平日何射以落山何觸以崩斃何
潮頭低鞭何海若鷲律何以吹秦晦何以應莫雨何以礎潤
霽何以鐘清風何以鳶翔露何以鶴鳴黃楊閨何厄桐葉月
何增龜甲朽何知著草枯何靈火何以寒融水何以鬱蒸炭
何為而重鐵何為而輕祝何似蒲盧氣何孛鵠鵲鰕何水母
寄廢何駢虛馮鳥何比鶴之獸何語猩之死生類變化人物
遞縱橫感應倘不爽顛倒詎可勝不見龍被豢不見蛟可嘗
不見魚中鉤不見鳥剪翎不見回也空不見猗氏盈不見天
矯子不見壽錢鏗不見嫁媼母不見惜娉媵不見白屋士激
潤兼咀美不見金閨彥易銀配紙繒或送麒麟檀擾或孔翠
屏非所據而據或且乘自生民以來粗舉提權衡吾將
括万有旁討暨遠徵鋪陳王會圖搜剔神異經夷堅所不志
尔雅所不稱相与窮其源庶几有以評神官開顏笑子言得

無膏難問天之道不齊物之情理未可與語說未可與爭或
逐臭海畔或誅蘭戶扇或冬烘頭腦或迷罔沈冥或膏唇販
舌或拘苟蠅營美者元自美尹何累于邪濁者日益濁渭何
補于涇無棄爾苗畬無羞尔笠簦無曲學阿世無從俗媮生
無鹵莽滅裂無逞施例行考若為貴榮願付通莽否表相
倚伏順逆有慶興正直以自好我當奉天庭徐世起云詛神厲鬼呵風叱
月落出天問之道也

送復古旋里三首

一 帆風雪過江寒滿酌休嘆行路難幾輩歸來黃土沈翰君
鄉里好衣冠
金陀坊底見遺民三載清詩許共論岐路衰回無贈榮此行
端莫謂無人
趨迹仍著藕苗衣免使山靈為勒移若到池州照池水筆頭
元不負清溪

刪

歸江上留別諸叢七即次原韻

吳銘道

柳下堪容偶鍛民每逢快處喜深論杉青水接桃花里付
與清歌送別人
估客江船夜上寒風波了不省艱難繞朝無限殷勤意贈
我歸裁筍擇冠

端是還家菜子衣別沈公有父君有母故云歌崖釣跡未曾移炊錯底餘炊忘算時

用黃魯直韻送明府王予未先生還澧州二首

苗藿盡委地何以食我場兩年居是邦得此賢者先俯拔衆
草中臭味揚其香公今已秣馬早晚登巖廊願我如如蟾餘末
由奮飛黃古人重感激每在一飯嘗况結文字知如蟾餘末
誰為後來者彌恐代斷傷
商歌闔蓬戶安比金石毅不謂醫國手藥籠收參苓勿言一

日知深衷在平生公材實持世雲夢不芥蒂我今閱歲華俛仰衣食計途窮敢告人知我聊舉似

丁酉冬日將後秀水買棹歸楚依韻留別諸子襄
七
蘭江王大業予未

鴻濛經剖判大塊文辭場處則藏名山出為邦家光譬彼
梁盛粒田野已馨香儕俗工皮相標榜重岩廊誰念經筵
腹俯首尚鉅黃我窺雖半豹一嚙竊試嘗噓之苦無力相
逢似道旁何堪輶軻歸撫膺後自傷

瓦缶雖爭鳴不如黃鍾聲誰終舍昌陽而顧珍筵苓會當
束采掇良材寧虛生豫樟質絕世幽巖蟠根蒂造物充其
才端為重任許故人徒知君迂拙元無似

重送予未先生賦得落帆亭峴山各一絕
送客勞心處傷心是落帆莫辭前路遠第一過青杉

峴山上有碑峴山下有碑何必上下碑此名終古垂

汪上舍熾南新宮落成

自我觀清晤三載相過後金陀開別墅鼓枹來梧桐座上秋
浦客孤羸見深禁余也一再玉談笑清宴終勝如在輞川樂
不減車公近者更上入奕塏稱土中蘭室桂為堂阿閣塔三
重吾思蓋徵遠匪直潤屋豐君宗落成室兄弟歌新宮太史
錄于篇大小雅則同尔家荆樹花敵季虎頭龍叔也尤耽書
專以經籍攻犀必牛渚然槎必河源通圖書適插架軸一一
充棟蔭以此肯堂梅豈比富家翁惜余不善頌何以逐檀弓

龔司訓移居巷南賦贈

人言冷官好我道熱官靈熱官徒褫職冷官更伶得朝食盡
首荷幕飲空壘竝典謁少門士出使銀輿丁望塵朝衫裂坐
客寒氈青他人憂不堪相對顏色頹楚龔獨兀悶陶然注酒

經想感漁父言意不欲獨醒儼屋移巷南偏仄苦屏星學舍
比舟小家具無車傳或疑村夫子芥隱甘忘形我生無倚著
汎々逐水萍看竹尋別業攤書借疎櫺比隣得儁雅司訓瞻
典型披衣數晨夕莫厭頻啓肩猶勝馳要路局促王侯庭

偕楊上舍鄧尉山中探梅四首

早羨伍骨門暮泊虎山橋天地忽異色瑟々驚回颺推蓬來
急雨月黑前山柵想像冰雪花竹裏掩寒窠不須玉笛吹定
有飛英飄寒林聞啁雀弄舌何噍々雨歇風亦止相期在明
朝

昔夢梅花村今愜梅花墓白雲無淺深窈窕延積素漠々空
裏香冉冉衣上霧鼠鬚淨可別鹿胎點無數沙水清不淤橫
浸珊瑚樹對此心神舒十步九移顧峰迴不更好蠟屐道先
路

銅官井以西萬蒲潭以東前嶺續後嶺一峰高一峰西山銜
落日霞作魚尾紅迴瞻太湖水雲水相涵濛清風襲衣袂明
月流長空梅花真佳人翠袖寒露中携我下山客榮我青竹
筇

萬峰頂崔嵬梵宇乃上臨松際扁曦影下方遺鍾音懸厓更
結構曲迳希苔岑清風五百閒比之深更深綠淨不可唾白
雪延賞心山中有桂樹其葉何青陰即此可招隱詎假梅花
尋

楊夫人壽詞

易亭先生云情文交至

憶昔干戈天柱折厥有女媧親鍊石別館虛聞馬角生陽數
恰逢鼎耳革紇那歌穀遍小兒八風舞蹈羞前冊幾人屈指
失故步何況區々有中惘尚想忠文獲社魁今見遺民守先
澤一門忠孝出天性更有夫人並貞白東海蘆銜精衛心九

篔簹竹染英皇迹，歲晚誰堪久。槩窮世家未易甘，纒辟傳經欲
隔絳紗帳。明詩却陋胡笳拍，只今七十設悅辰，爭羨雙清比
松柏。公侯子孫必復始，此語非誣曰在昔。才子回翔白玉堂，
羣從翻二各尋履鍾山之李大如。綰蓬池之鱸，長于尺離孫
歸孫更捧觴。拜前拜後羅瑤席，顧余執經恨較遲。疑義紛綸
時賞析，舍館南來又却違。奮飛仰遜林間翮，一詩遥寄伍骨
門。沅水板橋三畝宅，質言用識母丹心。絕例迂踈滿堂客。

月蝕

奪我白玉盤，兩頭纖不圓。兩頭纖蝕不止，城頭鼓聲死。

過曹仲經齋觀手拓金石文字

若園上舍多名譽，函我自函書。自書剡首別，薛出金石携歸
竹屋三間儲。廉者無求貪，不有翠墨摩娑長在手。蘭亭崩紙
出伏梁，莫飲他人壜面酒。

寄訊錢塘吳曦洲上舍

故人美無度，言別武林關。懷寶不得意，越狄歸舊山。屋前著
書松，想像不可攀。君處行復出，相思吳越間。

論畫贈內戚吳威中

大息復太息，繪事今沈淪。昔我有先正，游菟兼依仁。隱或在
巖穴，顯或在搢紳。大約非俗工，流傳蓋文人。匪直妙形似，亦
以寫性真。精神到寂寞，乃始下筆親。青厓我尊行，結茅秋水
濱。解組歸去來，免躅京華塵。雪山米漫仕，評斷張愛賓。偶馬
騁墨戲，著手都成春。有時雙管下，有時五指斂。折枝含露暈，
織羽帖花茵。畫意亦畫似，取古不取新。冷笑徽廟時，苑匠未
軼倫。古來負絕技，坎壈纏其身。空使倚市門，翻嗤老斲輪。良
工每手縮，識者徒肩輦。不見曹將軍，頭白傷賤貧。

試院古柏歌

霜皮黛色裁何日氣與松樅檜枿敵盤擎倔强不媚時激盪
猶聞摧霹靂年多半枯復半生一枝斜亞一榦平蒼然草木
有正色軒鶴離立難誰爭托生幸值龍門地每遇斯文風雨
會菁莪那復不凡材小草何人有遠志吾思樹木同樹人此
柏匪徒十年計大雅終須要棟梁天家不願求經濟才大用
難古所聞世事有屈必有伸無忘封殖留遺愛君看蒼鬚絕
有神符淵先生云節曰
磊何神泉臺上

雨中有懷復古在江上

才大能詩邁等倫樓山前輩有文孫來曾舊雨思今雨望自
爭門玉鹿門草蔓没人傷屈曲江河多霧局黃昏參商相見
知難必但詠雞鳴更不論

友人移居兼書以為甲子之壽

異時卜宅贈詩翁三徙仍居駟馬東料檢磨頭過甲子應倚

難老續幽風久拚高士編皇甫可有清樽置孔融許我南隣
為酒伴扶肩爛醉竹林中

槿花

麋眼疎籬外開花開白紅生憐朝菌壽可与佛桑同分照羅
敷日斜吹少女風折來為誰好習靜似山中

廣文署中看西東山陰司馬烟客孝廉

近代推能画南來數老蓮銘心多絕品過眼惜雲烟重尔苔
岑契心知藻鏡懸莫斟缸面酒持上孝廉船

雪梅山茶二軸
陳亦山陰人

詠古六首

國士鬱侯目王孫漂母心元功一十八曾未識淮陰鄭才
何切
屈宋何人匹河梁五字詩柏梁渾自喜尚有李騫期
新莽續周書揚雄準周局投閣上漸臺作偽復何益

堯母門鉤弋寧知是禍胎甘泉休再幸且築望恩臺
四老來何暮重光日再升赤松遊得遂自合漢家興
王者元龜戰清時不用兵刑天休浪舞眼見有苗平

太守重新文廟旁築書院落成作長歌一篇以紀事

即呈教授山長兩公

徐世起云元本二奇正二可以羨皇萬有

若稽古初生民渾々沌々緇々絲々有聖人者出作之師作
之君敷五教明人倫別牛馬加冠巾唯恐異出入為之道義
路闢禮門禮門義路何所之相厥首善先京師用是開辟靡
鑿類池上自膠庠學校下及遂黨術塾聘名士禮大師大夫
後君子耆俾以教弟子誦法孔子達四彝服習易書禮樂春
秋詩自後烈火燔帝竹瓦秦唐深々埋汲冢鬱々歲復壁殷
勤諸老翁竦息不敢出武者以還儒術崇學官博士立黌宮
番々齊伏生斷々魯申公解頤匡說詩不窮戴侍中蚨弘致

卿相就學列肆同三季洎六代慘澹鬪蛇龍儒林雖有傳偶
然潤色猶雖蟲降自李唐來專以詞賦工偉哉宋太學喟々
士子爭嚮風勃興得闕洛巨手開蠶叢墜緒尋滋々大聲鼓
逢々漆室始有燈眇者若蕤蒙厥後汰游食飛章告去鮮克
終有明邁金元東林盛講學門戶太區々碩果亦遭剝鞠為
茂草塲茲事久綿邈閭陽吳公來大府下車縶馬橋門左釋
奠宣言建學先宛似揚州見何武煥赫靈星門靚深東西廡
更從卻地闕中舍延政師儒開菴圃三魚粟主居上頭人師
自足追前古我知吳公意良苦先河後海徵斯舉士喪禮書
傳孺悲路寢泣聲聞鞠語頽何秦冉亦人徒以意斥之無乃
粗康成何人改從祀羽士何年奸樂舞弟子當時惜失傳文
廟於今煩志補况今 視學警大昕 天章照耀褒敷
文風流太守行入奏韻陳此意螭坳右行見寰寓遍傳禮殿

圖區 = 文翁高朕化益部詎比斗牛分野上應列宿之駕湖

游仙

迫阨悲時俗生涯孰問津南箕徒翕舌北斗信勞人無計乘
槎去明河亦可親劉輿還自臙度亮且揚塵

為金文題鯉魚画障

高堂素壁生悲風黏天浴日波浪洪中有長魚忽掉尾眾魚
凡材不許同扶桑霽憲欲明滅海水直浸蓬萊宮乃知画魚
獨臻妙古盞一叟楊維聰自後更名赤鯉以暴鬚鼓鬚銀河
通咫尺還須看變化卷圖一笑蒼烟空

汪司城畫蘭卷

柯庭滋九畹五意法靈均作伴木居士空添石丈人當門元
獨秀在谷豈蒙塵不是奴為佩如何畫逼真

桐鄉鳳鳴寺

下邑回山縣招提半委塵西風吹鴨脚老樹剝龍鱗穿落乾
坤窄驅馳歲月新重過意無極莽向時人

繼絲亭清話贈徐文安序孝廉

丈人長揖歸田廬意欲高卧焚公車谷言霖雨用汝作笑指
浮雲於我如昏鐘百八狹邪路旅夢三千長短書誰歎塵埃
終擾 = 端能窳窳予雲居

羣仙獻壽圖為黃山金太學作

君不用寫千尺偃蹇之喬松亦不用作懸崖飛瀑之泉淙生
綃徑幅足生意亦復自在非人工此中有泉亦有石點綴有
松兼有柏石泉松柏更手摹有翁有叟復有姑騰攀上樹猿
放浪中條驢拍板三尺大洞蕭一丈餘醉醒坐起各有態大
約無拘亦無礙翁家舊住黃海峰 = 頭朵 = 青芙蓉鍾離呂
蟲嘗度世義門張果時相逢仙之人字拾瑤草竹葉笠子松

花蘂者不是崑崙渠亦不是蓬壺島我今喚作一幅黃海真
仙下降圖翁也從之先天後天長不老悵俗緣子不可攀讓
吾翁子駕青鸞長歌兮無極對茲圖子三大息

朝射生

朝射生暮射生獵夫勢洵二作氣徒虛聲不知枉費尔弓矢
聚黨區二擒鹿豕山南有虎長子孫不避豪賢工蠶人道逢
射生不敢搏前頭後頭走矍二陳生禮園云樂府氣欲直而法
變竟無窮而言短斯作得之

為某題春誦圖

簪筆承明動主知請纓絕域受降時不應老守兔園冊甘作
兒童句讀師

熱客麈官有底忙黃埃衰二走偉二不知風漢誰容汝只合
清吟對冷香圖補寒
梅窠石

酬武林龔齡上

龔君才地衝星斗傾側何知逢邂逅崢嶸歲月旅懷資贈登
麒麟地上走我欲振衣干仞岡下看俗物俱茫二雖不得仙
亦偶豪舉与君携手窺扶桑

附嘉禾即次作朱鳥行一篇贈草廬諸襄七

龔 鑑齡上

我來由拳城夜聞朱鳥鳴此閒多放士首屈諸先生先生
先生才甚奇詩宗屈宋文昌梨雄深雅健萬人敵竟陵歷
下靡旌旗世上青雲常袞二先生貧賤甘如飴稱體新裁
華山帛果腹不厭西山薇志士不忘在澠壑等閒豈惜寒
與飢交淺言深古所戒對君不覺心胸披文章勿為時輩
好學問當與古人期千秋事業肩方重此志無為外物遺



國家圖書館, NATIONAL CENTRAL LIBRARY, TAIWAN, R.O.C.

